

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Consideratio status damnatorum, quod actiones ipsorum  
in primis malas, concernit**

**Fecht, Johann**

**Durlaci, 1680**

XXV.

[urn:nbn:de:bsz:31-122744](#)

collectoris alienas, &c, quod dolendum est, spinosas atque iniurias, quales otiosis Monachorum speculationibus conveniebant, dilabendi occasionem dederit. Ea tamen, quæ nos ex magnâ Commentariorum mole excerptimus, insigne nobis subinde in hac materiâ præstabunt emolumentum.

XXIII. Post salutarem Ecclesiæ Reformationem ex fundamento S. Literarum in utramque partem, tanquam de re, fidem non concernente, à Theologis disputatum est. De Lutheri sententiâ, quantum ego scio, haud indubie constat. Maximam infernali pœnarum partem terrores conscientiæ esse, saepius affluit, quod ab adversariis in calumniam tractum est. In Expositio cap. II. Jon. Tom. Jen. III. p. 212. b. ita loquitur: Wann die Deuffel in der Höllen wären/ so könnte es nicht seyn/ daß sie die Welt regieren/ und so viel Viberey und Jammer trieben/ die Pein würde ihnen wol wehren.

XXIV. In cœterorum sententiis recensendis ætatis rationem habebimus. Petrus Canisius, è Soc. Jesu Theologus, qui opus Catecheticum scripsit Friburgi Helvetiorum, A. O. R. M D LXXXV. de Quatuor Noviss. Qu. IV. §. 77. cum Innocentio III. utrumque approbat: *Damnati blasphemant DEUM; &c: Habent voluntatem peccandi, potestatem non item.* Gregorius de Valentia, Mettmensis, ex eadem Societate, Ingolstadiensis Professor, Commentarius Theol. Tom. I. Disp. IV. Q. XV. Punct. II. quærerit: *qua sit dæmonum conditio, quoad voluntatem?* & inter alia respondet: *Secundò, certum est, dæmones & omnes alios damnatos, ita quoque obstinatos esse in malo, ut continenter exerceant actum quandam malum impatientia & acerbissimi odii Dei, nec possint ab eo, moraliter loquendo, cessare.* Id quod deinde S. Literarum & consensus Ecclesiastici auctoritate confirmat.

XXV. Zacharias Schilterus & Burchardus Harbardus, Theologiæ in Academiâ Lipsiensi Professores, capita puræ & incorrupta doctrina Christiana primaria, ex immotis & perspicuis S. scripture fundamentis extructa, ediderunt Ann. M D XCIII. In Disp. de Morte æternâ §. XVI. profitentur, eandem complecti oppositam beneficiis salvatorum extremam naturæ humanae malitiam, caliginem scilicet mentis & tenebrae densissimas, & tunc solum sensum ira Dei adversus peccata acer-

ramum, morsus & terrores conscientiae sevisimos, indignationem & fremitum adversus D E U M perpetuum: & vermem mordentem §. XXII. ajunt esse symbolum horribilium pœnarum & dolorum, seu morsuum male conscientie, implacabilis odio, item indignationis, murmuris & fremitus adversus D E U M, ortorum à fulmine sententiae judicis damnatorie trifissimo, quibuscum conjuncta sit futura suipius detestatio & execratio & votum ratiæ avaritiae seu subite redactionis in nihilum, aut oppressionis collum & montium, sed irritum & inane. In eundem modum stridorem dentium interpretatur Frider. Balduinus, Academ. Witteb. quondam Prof. cum in Comment. in II. Theff. I. 8. 9. Qu. V. ita scribit: *Tertia infernalis pœna est stridor dentium, quem Hieronymus in caput XX. Iob- i de rigore frigoris intelligit, quia forte in ipsâ gehennâ talis sensum cruciatu s fieri his, qui in eâ torquebuntur, ait, ut nunc quasi ignem ardentem sentiant, nunc nimium algoris incendium, & paenalis commutatio, nunc frigus sentientibus, nunc calorem faciet, sic, ut de loco in locum transire videantur. Rectius autem forte censendum est, stridorem istum oriturum partim ex iracundia rabi, quâ fremunt adversus D E U M, ejusque sanctos; partim ex seriâ contritione delictorum, que eos illuc conjecterunt, partim etiam ob memoriam bonorum amisorum, ut placet Dominico à Soto in Disq. L. Q. un. Art. IV.*

XXVI. Hugo Sanfordus, Coomflorius Anglus, Anno Domini M DC. diffusum pariter atque eruditum tractatum scribere exorsus est de Descensu Domini nostri JESU Christi ad inferos, quem morte præventus, non absolvit, complevit tamen ex scrinio ejus & edidit Robertus Parkerus. Is omnium prolixissime contra sententiam, damnatos peccare ajentem, disputat, suamque lib. III. §. 96. p. 174. ita exponit: *Argumentum adversariorum sextum ita instituitur: pœna infernalis cum peccato conjuncta est, cum desperatione, cum blasphemia, cum peccati omnimoda plenitudine. Ergo Christus eam non pertulit. At recepta sapientum opinio est, in inferno non peccari, qua & certissimâ ratione nititur. Productis deinde in medium argumentis; Quid igitur? inquit. Peccatum in inferno statuere non possumus, nisi illam de pœnarum mitigatione anilem stultitiam revocemus, de quâ Augustinus. Pœnas damnatorum certis temporum intervallis existiment, si hoc sis placet, aliquatenus mitigari: etiam sic quippe intelligi potest, in iis manere ira D E I, hoc est ipsa damnatio.*